

"O'zavtoyo'l" AK Boshqaruvining 2016 yil I yarim yillik yakunlari bo'yicha yig'ilishi



2016 yilning 26 iyul kuni "O'zavtoyo'l" AK majlislar zalida kompaniya boshqaruvining 2016 yil I yarim yillik yakunlari bo'yicha kengaytirilgan yig'ilishi bo'lib o'tdi. Yig'ilishda kompaniya tizimidagi hududiy bo'linmalar, sohaviy korxona va tashkilotlar rahbarlari ishtirok etdi. Yig'ilishni kompaniya boshqaruv raisi A.Abduvaliev olib bordi.

Dastlab, joriy yil davomida yo'l xo'jaligi korxonalari tomonidan avtomobil yo'llarini qurish, rekonstruktsiya qilish, ta'mirlash va saqlash ishlari Prezidentimiz va Hukumat tomonidan belgilab berilgan dasturlar doirasida olib borilayotgani xususida so'z yuritildi.

So'ng e'tiborni joriy yilning birinchi yarmida erishilgan natijalarga qaratildi. Yig'ilishda ta'kidlanganidek, "O'zavtoyo'l" kompaniyasi korxonalari tomonidan 2016 yilning I yarim yilligi davomida jami **575,0 mlrd.so'mlik** yo'l qurilish, ta'mirlash, saqlash va tashqi pudrat ishlari bajarildi. Mazkur ko'satkich o'tgan yilning shu davriga nisbatan **110,2 %** ni tashkil etdi.

Investitsiya dasturi bo'yicha joriy yilning I yarim yilligida jami **442,2 mlrd.so'm** miqdoridagi rekonstruktsiya ishlari bajarilib, **157,6 km** uzunlikdagi avtomobil yo'llari to'liq rekonstruktsiya qilindi. Jumladan, O'zavtoyo'l kompaniyasi korxonalari tomonidan **182,8 mlrd.so'mlik** yo'l ishlari bajarilib, **62,1 km** uzunlikdagi avtomobil yo'llari rekonstruktsiya qilindi.

Mazkur ko'satkich shartnomaviy majburiyatga nisbatan **103,8%**ni tashkil etdi.

Kapital ta'mirlash dasturi bo'yicha xalqaro, davlat va mahalliy ahamiyatdagi umumiyo foydalananishdagi avtomobil yo'llarida "O'zavtoyo'l" kompaniyasi korxona va tashkilotlari tomonidan **44,6 mlrd.so'mlik** yo'llarni mukammal ta'mirlash ishlari amalga oshirilib, **25,0 km** uzunlikdagi avtomobil yo'llari ta'mirlanib, foydalananishga topshirildi. Mazkur ko'satkich shartnomaviy majburiyatga nisbatan **106,2%** ni tashkil etdi.

Shu bilan birga, kompaniya korxonalari tomonidan umumiyo foydalananuvdag avtomobil yo'llarini joriy ta'mirlash va saqlash ishlari bo'yicha joriy yilning I yarim yilligida **324,0 mlrd.so'm** miqdoridagi yo'l ishlari bajarildi. Jumladan, joriy ta'mirlash ishlarida – **208,3 mlrd.so'mlik**, saqlash, qishki qarov va ko'kalamzorlashtirish ishlarida – **115,7 mlrd.so'mlik** ishlar bajarildi, hamda **1040 km** dan ortiq umumiyo foydalananuvdag avtomobil yo'llarining holati yaxshilanishi ta'minlandi.

Shuningdek, hisobot davrida kompaniya korxona va tashkilotlari tomonidan jami **132 tayangi ish o'rirlari** (I yarim yillik prognoziga nisbatan **121,1 %**) ochilishi ta'minlandi.

Shu bilan bir qatorda, yig'ilishda tizim korxonalarini tomonidan 2016 yilning II yarim yilligida amalga oshirilishi lozim bo'lgan dolzarb va ustuvor masalalarga to'xtalib o'tildi.

Xususan, O'zbekiston Respublikasi Prezidentining 2015 yil 6 martdagি PQ-2313-sonli, hamda 2015 yil 25 dekabrdagi PQ-2458-sonli qarorlari bilan belgilangan dastur doirasida hamda sohaga oid boshqa qarorlar ijrosini ta'minlash bo'yicha joriy yilning II yarim yilligida "O'aavtoyo'l" kompaniyasi tomonidan **375,2 mlrd.so'mlik** rekonstruktsiya va kapital ta'mirlash ishlari bajarilishi rejalashtirilganiga alohida e'tibor qaratildi. Unga ko'ra joriy yilning ikkinchi yarmida:

- Investitsiya dasturi bo'yicha **280,1 mlrd.so'mlik**, jami **114,2 km** uzunlikdagi umumiyo foydalanishdagi avtomobil yo'llari rekonstruktsiya qilinadi;
- Kapital ta'mirlash dasturi bo'yicha **95,1 mlrd.so'mlik**, jami **81,9 km** uzunlikdagi avtomobil yo'llari to'la ta'mirlanadi.
- Shuningdek, kompaniya tizimidagi korxonalar tomonidan

154,0 mlrd.so'mdan ortiq joriy ta'mirlash va **97,4 mlrd.so'mlik** ekspluatatsiya ishlari bajarilib, umumiyo foydalanuvdagи avtomobil yo'llarining texnik holati yaxshilab boriladi.

Yig'ilish davomida sohadagi yo'l qurilishi va uning ta'miridagi sifatga e'tibor qaratish, tizimdagi korxonalar tomonidan ishlab chiqarishni modernizatsiyalash, pudratchi korxonalarga yonilg'i moylash mahsulotlarining yetkazib berilishi kabi masalalarga tanqidiy yondashilib, mavjud muammolarni ijobjiy hal etish yo'llari muhokama qilindi.

Boshqaruv yig'ilishi yakunida ko'rilgan masalalar yuzasidan tegishli qarorlar qabul qilindi.

"O'zavtoyo'l" AK matbuot xizmati